



Broj:01-01-~~3~~133/24
Sarajevo, 22.11.2024.godine

Na osnovu člana 69. stav (3), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22, 50/24), a u vezi sa obavještenjem ponuđača Digitarija d.o.o. Sarajevo, od 19.11.2024. godine, u postupku javne nabavke robe - Nabavka laptopa - LOT 2, za potrebe Javne ustanove „Služba za zapošljavanje Kantona Sarajevo“ Sarajevo, direktorica *donosi*

O D L U K U

o otkazivanju postupka javne nabavke

Član 1.

Otkazuje se postupak javne nabavke robe - Nabavka laptopa LOT2, za potrebe Javne ustanove „Služba za zapošljavanje Kantona Sarajevo“ Sarajevo, proveden putem Otvorenog postupka, iz razloga što su sva tri ponuđača koja su učestvovala u postupku nabavke odbila potpisivanje ugovora, čime nisu ispunjeni uslovi za realizaciju predmetne nabavke.

Stavlja se van snage Odluka o izboru trećerangiranog ponuđača broj: 01-01-3093/24 od 15.11.2024. godine, budući da je ponuđač odustao od realizacije iste.

Član 2.

Ova Odluka objavit će se na web stranici JU „Služba za zapošljavanje Kantona Sarajevo“ Sarajevo, www.szks.ba, istovremeno s upućivanjem ponuđačima koji su učestvovali u postupku predmetne nabavke, shodno članu 70. stav (6) Zakona o javnim nabavkama.

Član 3.

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke robe – Nabavka računarske opreme (laptopi, tableti, računari, monitori, UPS-ovi, routeri, štampači, printeri...), za potrebe Javne ustanove „Služba za zapošljavanje Kantona Sarajevo“ Sarajevo broj: 01-01-34-2375/24 od 18.07.2024. godine, pokrenut je predmetni postupak javne nabavke.

Predmetna nabavka provedena je putem Otvorenog postupka.

Procijenjena vrijednost predmetne nabavke za dva lota bez uračunatog PDV-a, iznosi 80.000,00KM.

Procijenjena vrijednost nabavke za LOT2 - Nabavka laptopa, bez uračunatog PDV-a, iznosi 2.000,00 KM.

Slijedom navedene Odluke, dana 29.07.2024. godine, Obavještenje o nabavci broj: 774-1-1-43-3-22/24, poslato je na objavu putem Portala javnih nabavki, zajedno sa Tenderskom dokumentacijom broj: 2443/24 od 29.07.2024. godine, te Ispravka za obavještenje o nabavci

broj: 774-1-1-43-8-26/24 dana 23.08.2024. godine i Izmjena TD broj: 01/01-2571/24 od 23.08.2024. godine.

Po isteku roka predviđenog za dostavljanje ponuda, Komisija za javnu nabavku imenovana Rješenjem broj: 01-01-34-2523/24 od 19.08.2024. godine, u okviru svojih nadležnosti i ovlaštenja u postupku pregleda, ocjene i analize pristiglih ponuda sačinila je odgovarajuće Zapisnike.

U nastavku, vrednovanjem prihvatljivih ponuda shodno utvrđenom kriteriju za dodjelu ugovora (najniža cijena prihvatljive ponude), a kao rezultat okončane e-Aukcije, analitički prikaz u nastavku:

	Naziv / ime ponuđača	Ponuđena cijena (bez PDV-a)
1	PR Media Market Prijedor	1.550,00 KM
2	Univerzalno d.o.o. Sarajevo	1.579,99 KM
3	Digitarija d.o.o. Sarajevo	2.000,00 KM

Komisija je sačinila Preporuku broj: 2686-2/24 od 16.09.2024.godine, slijedom koje Ugovorni organ donosi Odluku o izboru najpovoljnijeg ponuđača broj: 01-01-2704/24 od 18.09.2024. godine.

Nadalje, dana 25.09.2024. godine, elektronskim putem zaprimljena je Izjava od strane izabranog ponuđača PR Media Market Prijedor, sadržajem koje ističu da nisu u mogućnosti isporučiti robu koja je predmet Ugovora, te da su prinuđeni da odbiju dodjelu Ugovora.

Slijedom prednjeg, Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, te u skladu sa zakonskim propisima Ugovorni organ donosi Odluku o izboru drugorangiranog ponuđača broj: 01-01-2788/24 od 27.09.2024. godine, shodno rezultatima okončane e-Aukcije, tabela prednje.

Nadalje 14.11.2024. godine, Ugovorni organ zaprima elektronskim putem Dopis drugorangiranog ponuđača Univerzalno d.o.o. Sarajevo, sadržajem kojeg isti odustaje od zaključenja Ugovora, navodeći razlog koji onemogućava realizaciju ugovorenih obaveza u skladu sa uslovima i zahtjevima.

Slijedom prednjeg Ugovorni organ donosi Odluku o izboru trećerangiranog ponuđača broj: 01-01-3093/24 od 15.11.2024. godine, po prijemu iste trećerangirani ponuđač obavještava Ugovorni organ da odustaje od realizacije Odluke iz razloga što na lageru više nemaju opremu za cijenu koju su ponudili.

Obrazloženje razloga koji su van kontrole Ugovornog organa, a koji se nisu mogli predvidjeti u trenutku pokretanja postupka nabavke, leži u činjenici da su sva tri ponuđača koja su učestvovala u postupku nabavke odbila zaključenje ugovora. Na osnovu člana 72. stav (3) tačka c) Zakona, propisano je da ugovorni organ dostavlja prijedlog ugovora onom ponuđaču čija je ponuda, prema rang - listi odmah nakon ponude najuspješnijeg ponuđača, u slučaju da najuspješniji ponuđač: c) u pisanoj formi odbije dodjelu ugovora.

S obzirom na to da su u ovom postupku svi ponuđači odbili zaključenje ugovora, time je onemogućeno ispunjenje uslova za realizaciju predmeta nabavke, što predstavlja osnov za otkazivanje postupka u skladu sa zakonskim odredbama.

Cijeneći navedeno, dosljednom primjenom i pravilnim tumačenjem odredbi člana 69. stav (3) Zakona o javnim nabavkama („Službeni glasnik BiH“, broj 39/14, 59/22, 50/24), budući da više ne postoje pravne i faktičke mogućnosti za njegovu realizaciju, odlučeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana, od dana prijema iste, Uredu za razmatranje žalbi, putem ovog Ugovornog organa, u skladu sa članom 99. i 101. Zakona o javnim nabavkama.


[Redacted Name]
Amina Džonlagić

Dostaviti:

- Svim učesnicima u postupku javne nabavke,
- Jedinici za nabavke,
- A/a

